

Na osnovu člana 90. Zakona o javnim nabavkama BiH („Službeni glasnik BiH“ broj 39/14.), a u skladu sa Odlukom dekana Građevinskog fakulteta Univerziteta u Sarajevu o direktnom sporazumu za pružanje usluga: Usluge u području rekreacije, kulture i sporta broj: 04-1-8-9-5/21. od 16.03.2021. godine,

Građevinski fakultet Univerziteta u Sarajevu, Ul. Patriotske lige broj 30, kojeg zastupa prof. dr. Samir Dolarević, dipl. ing. građ, Dekan (u daljem tekstu: **Naručilac usluga**)

i
TK „TTT-igra-TTT-game“ Kakanj, ul. Zeničkog partizanskog odreda broj 56, kojeg zastupa direktor Taib Bjelopoljak, dipl. ecc. (u daljem tekstu: **Izvršilac usluga**)

zaključuju

UGOVOR o pružanju Usluga u području rekreacije, kulture i sporta

PREDMET UGOVORA

Član 1.

Predmet ovog Ugovora je pružanje Usluga u području rekreacije, kulture i sporta za potrebe Građevinskog fakulteta u Sarajevu u 2021. godini, a prema Odluci o pokretanju postupka javne nabavke usluga putem direktnog sporazuma (Privremeni plan javnih nabavki za 2021. god: Usluge u području rekreacije, kulture i sporta, Usluge 15, JRJN: 92000000-1), broj: 04-1-8-9-1/21 od 02.03.2021. godine i Ponude TK „TTT-igra-TTT-game“ Kakanj broj 03-03/21 od 03.03.2021. godine, evidentirana kod ugovornog organa pod brojem: 04-1-8-9-3/21 od 03.03.2021. godine, koje su sastavni dio ovog ugovora.

Član 2.

Usluge u području rekreacije, kulture i sporta obuhvataju: najam teniskog terena, teniske opreme i trenera za rekreaciju uposlenika Građevinskog fakulteta u Sarajevu. Trajanje termina 1h.

Član 3.

Ukupna cijena za predmetne usluge iznosi do 5.532,80 KM i utvrđena je na bazi ponude iz člana 1. ovog ugovora. Ponuđač nije u sistemu PDV-a.

Plaćanje se vrši na osnovu mjesečno ispostavljenih računa za realizovani broj termina u tom mjesecu. Jedinična cijena termina iz Ponude je fiksna.

Plaćanje najkasnije u roku od 30 dana od dana ispostavljanja fakture.

Član 4.

Izvršilac usluga se obavezuje da će usluge navedene u članu 2. ovog ugovora obavljati savjesno, stručno i kvalitetno, u skladu sa zahtjevima Naručioca usluga, odredbama ovog ugovora, te zakonskim propisima i pravilima struke. U slučaju neadekvatnog obavljanja ugovorenihi usluga od strane osoblja Izvršioca usluga, Naručilac usluge ima pravo zatražiti drugu osobu na tim poslovima, a Izvršilac usluge se obavezuje tom zahtjevu odmah udovoljiti.

Član 5.

Ugovorne strane mogu sporazumno otkazati ovaj ugovor, a svaka ugovorna strana može jednostrano otkazati ovaj ugovor uz otkazni rok od 30 dana od dana primitka otkaza.

Otkaz se daje u pisanom obliku i predaje se drugoj strani neposredno uz potpis ili poštom preporučeno.

U slučaju jednostranog otkaza, Izvršilac usluge ima pravo naplatiti obavljene usluge fotokopiranja do dana isteka otkaznog roka.

Član 6.

Za sve što nije regulisano ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno.

Ukoliko sporazumno rješenje nije moguće, nadležan je sud u Sarajevu.

Član 7.

Sve eventualne izmjene i dopune ovog ugovora, ugovorne strane će dogovarati, uz obaveznu pismenu saglasnost ugovornih strana.

Član 8.

Dobavljač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 9.

Ugovorne strane prihvaćaju prava i obaveze iz ovog ugovora što potvrđuju svojim potpisom. Sve eventualne sporove po ovom Ugovoru ugovorne strane će rješavati sporazumno, a u protivnom nadležan je Sud u Sarajevu.

Član 10.

Ovaj ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2).

NARUČILAC USLUGA
Građevinski fakultet u Sarajevu

Prof. dr. Samir Džarević, dipl. ing. građ



Broj: 04-18-9-6/24
Sarajevo, 16.03.2024

IZVRŠILAC USLUGA
TK „TTT-igra-TTT-game“ Kakanj

Direktor

Taib Bjelopljak, dipl. ecc.



Broj:
Sarajevo,